







馮光祿詩集卷之二

北海馮惟訥著

姪孫琦

孫珣校緝

七言古詩

贈周同菴先生

序見文集

城中萬戶紛驅馳  
椎牛服綺爭雄貲  
笑爾縣壺杏  
林下終歲藿  
食常懷饑  
城中五侯好賓客  
布衣不  
斷門前跡  
羨爾平生嬾  
折腰蓬廬高  
卧甘迂僻家



徒歸立何有焉焦桐龜甲七朱絃雅調不識何人  
傳廣陵一奏能通玄

武皇南巡曾召見曲扇南風滿行殿中官宮嬪立  
焚香一時共羨天顏眷翠華北望幽燕歸冥鴻却  
附六龍飛上林日日隨遊樂紫極鈎陳逼少微穆  
王忽應瑤池赴寵幸諸臣散朝霧石頭城下埋荒  
蕪烟水還尋舊鷗鷺從此聲名更無比軒騎相過  
若趨市苦心誰賞伯牙真神解未遇鍾期耳官舍  
予臨淮水濱喜君日過拂龍脣更言未得移情術

欲向蓬萊問子春

題澠州賞番圖代贈鄭靜山侍御還朝

漢武雄圖馭華夏渥洼水中產天馬月氏大宛悉  
來歸駿足騰驤半天下隴啣燄若吞長虹爭為君  
王立戰功左賢戲迫冒頓走衛霍萬古徒稱雄神  
駒散落經千載伯樂方臬不相待一從閉却玉門  
關空踏寒沙老青海

聖世長縻繫萬國窮髮俱歸衽轡側玉節乘春出  
上台金羈應月來西極審余奉使再經年積石西



傾路眇縣漢將彎弧長候月胡兒列帳迥浮烟鳳  
凰城外平如掌別苑臨風肅閒敞搖曳旌旗逐逕  
迴誼聞鼓角參雲上羗兒驅馬澠河濱一望長川  
飛綵雲青槐夾路列隊分赫烈虎脊披龍文長嘶  
擲躅如念羣矯首一捩回千軍須臾陳賞充庭戶  
有帛如山酒如乳仰

天齊祝壽萬年羗女唱歌羗兒舞我

皇嵬武綏遐荒繡衣持節清邊疆桃林春雨閑羈  
勒沙苑秋風老驪驢四民恬然共安堵郡邑風清

如太古已聞吐谷送降番更道西平破驕虜今君  
駕車還上都阜囊封事胡為乎

若王若訪天閑駿寄語虞人莫按圖

題方朔偷桃圖為高廉泉參伯獻壽景林太

翁

金門有客天仙子長擢金莖侍丹祀帝遣遨遊方  
丈間蹀躞蛟蜃翻海水風雷簸蕩摧三山捫頂一  
謫來人寰黃眉老人墮珠寶及骨洗髓三千年先  
生抱負真瑰竒上書武皇未見知賦詩詰屈栢梁



殿懷肉咲傲銅龍池靈跡弛張杳難見燦忽窮奇  
若流電探珠招水東海頭置幘飄風會稽縣赤城  
懸圃崑崙端珠宮貝闕爭嶺岼中有桃樹嘉名蟠  
千歲結實金琅玕瑤池高宴羅山輶阿母螭駕駮  
王韓粲然啓語芬如蘭鄰家小兒樂遊盤三竊靈  
實和雲餐紅顏綠髮成還丹日月揮霍如跳丸今  
常白日生羽翰荆南高鳳有奇調堅卧不應君王  
名龍山一室惟著書漢水扁舟獨垂釣君家令子  
今之豪攬轡三輔澄秋濤已聞鳳鳥鳴周甸復道

麒麟出漢郊新承

恩命向江右搖裔霜旌過石首擬將繡服作菜衣  
更取珍圖獻眉壽高秋八月金氣昌仙人斲月升  
華堂容成按節昇舉觴南極老人歌樂康東方尺  
素來青鳥期脫塵凡共幽討九坂汗漫吞日華三  
島微茫拾瑤草

送杜方準明府歸遼左

仙郎逸氣橫朔野傲岸不落風塵下酈丹六百輒  
免官王陽九折能旋馬羈心浪跡日悠悠楚水吳



山十度遊秋風君度紅騾磧知我題詩白鷺洲  
分得訪戴幃子歌留別大梁熊雲夢諸公

大梁豪客善丹素健筆一掃靈氣聚曾向君家白  
玉屏乘興寫出山陰趣雲色晶晶雪漫漫空堂三  
月來風寒光涵澗瀆鏡湖水冥入窈窕天台山雙  
槳夾船下長壑船頭奴子坐寂寞不見淮王招隱  
時空餘山桂臨江落蘭舟宛宛路轉渺佳期悵望  
山雲杳峯遠山空不見人惟有江聲向舟小自恠  
此生幽意偏好覽名嶽談高賢爾來東下滄溟烟

獨向石室求真筌御史府中酒如泉月夜驩呼玳  
瑁筵坐中奇我汗漫士題贈歷歷皆雄篇忽霍筆  
底走蜿蜒長虹倒挂崑崙顛酒酣却咲王子猷到  
門空返山陰舡

題大石作古松障子歌

楊生憲之父號古松

山陰王子風騷客前有首陽後大石奇墨流傳天  
地間尺素可直黃金百當年韋偃空擅場道勁遠  
壓過廷章江都蔣崧見烟水閣筆不敢論驪黃興  
來橫掃蒼松圖屈鐵為骨霜為膚樛枝矯矯翠鳳



立逸榦落落蒼龍趨坐中豪客皆歡呼日歡倒影  
臨蓬壺彷彿深山巨靈擘五丁走板徂徠株空堂  
宵然烟霧通颯沓眼底生長風即看水草盡神秀  
未必造化誰為雄松陰獨立蒼顏老隆眉宛是商  
山皓時跨青虬翳紫芝還騎玄鶴尋瑤草古松古  
松世莫頽寂寞空山歲將暮小榦昂歲已拂霄日  
向朝陽飲玄露

送董西嶼年兄之南戶曹兼呈同省諸丈

我昔南都與君別燕子磯頭坐江月今我送君南

都行雲間萬樹花如雲人生踪跡如轉軸昨日今  
朝不相續况是親知遠別離當杯莫使驪歌促君  
行為款舊時扉桂樹新叢定幾圍寄謝同曹諸長  
吏幸留一席待余歸

淇上行贈友

淇上奇竹紛成箐霜飛露濕柯如石是誰耕破赤  
岸雲逸地種竹琅玕碧風迴川杳秋冥冥月出寒  
照空山白龍國曾聞掣海鰲昆侖今見栖鸞翮君  
不見洞庭兩岸風颼颼湘妃遠望蒼梧愁又不見



賈傳長沙怨幽謫石壇竹裂昇仙丘白日晚晚衆  
芳委寂寞寒山竟誰恃太息伶倫未見招雕笙鏤  
管空荆杞只今生子遍丘壑細筍新篁初解籜抽  
梢旖旎鸞鳳翔結根礪砢蛟龍攫新竹娟娟舊竹  
好人生得意無醜老渭水一竿九十年非熊猶自  
興周道

鳳雛行賀吳頤山生子

朱鳳生南嶽結羽光陸離朝食琅玕實夕宿梧桐  
枝千年才見健翻成凌風直上白玉京采苞日轉

龍樓曙歌奏風傳象笛鳴象笛龍樓九奏閒鳳凰  
翻然還故山更向朝陽飲元化結巢生子珠林間  
珠林何逶迤鳳雛亦旖旎春風刷羽扶桑顛秋來  
照影瑤池水玄瑞老始成物理故如此霄漢他年  
事應爾崑崙之山氣常紫

送弘農張子入京

黃鵠毛羽成遨遊覽四方朝發崑崙巔日夕搏扶  
桑却戀璫樹枝還顧西北翔憶昨射堂初識君片  
言未竟今離羣驅歌併瀉河橋水馬首遙瞻碣石

雲君行正踏千山雪及到都門柳堪折春鴈南來  
早寄書上林物色今何如

馮光祿詩集卷之三

北海馮惟訥著

姪孫琦

孫珣校緝

五言律詩

聞警三首

八月塞門開單于獵鴈迴五原秋草盡萬騎羽書  
來秦隴瘡痍後疆場戰伐催黃雲迷處所羗笛暮  
生哀



雜虜寇邊州胡笳萬里愁雲連沙海暗風落塞門  
秋赤豹懸旌尾黃金絡馬頭寸心報  
明主不必取封侯  
平生投筆吏慷慨學孫吳不分龍庭騎年年入武  
都輕兵下隴阪間道罷休屠談笑看雄劍烟塵更  
有無

栗陳州園居

問逕隨仙杖披雲到野廬才名今識面蘭蓋向愁  
予五馬不就郡三山且著書寂寥楊子宅玄白近

何如

春日關山道中三首

遠遶羊腸道參差雉堞城過橋疑瀑斷轉嶂若雲  
迎霸氣何年歇王途此日平寄言隴頭水莫作舊  
時鳴

春色被蘭皋春風引使旄天光落澗小山氣入雲  
高錦石花為幄飛泉雪作濤誰言九折坂叱馭不  
知勞

絕頂鬱嵯峨乘空覽四阿山圍平野盡天入大荒

多百道鳴泉石千林散綺羅行春自可樂况此並  
鳴珂時同叅伯邵公行部

登金山寺次韻

琪樹匝成圍瑤宮俯翠微橫江孤嶼拆轉檻亂帆  
飛海氣侵僧榻秋容澹客衣開襟興未已不分暮  
潮歸

塞下二首

八月塞霜清胡弓候月明方徵羽林騎共逐輕車  
營雲暗黃龍戍天空白豹城何當度沙磧寶劍匣

中鳴

日落胡沙驚匈奴已合兵天山萬里月一夜度龍  
城却敵心逾壯銜恩命自輕左賢今已縛不復請  
長纓

送黃翠巖侍御擢汴藩三首

相知如霧散相送陪含情攬轡巡周甸飛花出  
帝京江山留盛藻嵩洛佇雄名叔度真千頃冷然  
詎可澄

新承綰朱紱飛動意如何桃李南來遍雲山北望



多孟門控高嶽伊關俯長河自昔稱名勝看君擁  
傳過

薇堂古行省班與列卿隣不足紆前策  
君王念吏民征輸六郡急調遣兩河頻此日瘡痍  
疏端須鄭俠陳

仲兄奉先朝使命旅卒廬州余以己巳春

日行役過是郡問訊舊館賦此述哀二首

戚戚隕華萼悠悠歷歲時艱危僮僕盡含斂友朋  
知時同年張潛溪董霞峯絰紀喪事玄路書難到

幽窓夢與期聊持一尊酒千載寄相思

苦意傳書日驚沙慘殺人弟兄同急難生死各風

塵淚盡重泉夜心摧異縣春空餘夢瓊館悽惻問

西隣

京口葉司法館同年夜集

落落看花侶秋江此合簪山川盡吳楚羈旅半升  
沉玄論探杯酒長歌託壯心不須更秉燭竹外月  
華臨

贈陳秋巖孝廉

陳琳愛幽寂結宇秋山岑不獻金門賦聊為楚澤  
吟幽蘭垂禱珮芳杜間重襟別有春風約桃花滿  
上林

史孝廉草堂

羨爾幽棲處茅齋蔭石梁衆山今暎竹一水曲臨  
堂地即談玄宅人疑建德鄉空勞開蔣逕塵鞅媿  
裘羊

除夕前日集別吳頤山館

斜雨對金杯江雲凍不開祖筵今夕共岐路隔年

催師友存吾道絃歌媿不才獨將期月意灑淚別  
澹臺

送武進李少尹棄官入蜀

念予不得志辭官還入岷去將五斗米易得百年  
身余亦悠悠者行歸滄海濱相期兩地棹共及故  
園春

同葉司法登壯固山甘露寺

紺園臨楚郭碧巘控吳關閣道傳多景江光合二  
山雲隨前代盡歌及此身閑况是逢山簡誰能不



醉還

登泰山

秀色蟠東海靈光接上都陰陽中岫合方城衆峰  
殊登禪餘秦碣柴燔想帝謨更聞

明聖主端拱御瑤圖

元夕燕洪泉第

王孫真愛客山簡數能來火樹兼春發金樽入夜  
開慙無菟苑賦喜對建安才不盡南皮興臨岐首  
重回

訪大梁西亭王孫

昔夢夷門月今遊鄴下堂冠裳聯漢帝文藻識淮  
王置酒談玄暝登臺引興長向來賦招隱山桂晚  
蒼蒼

訪左中川

平生棲海嶠大雅恨空聞春問梁園草殷勤獨為  
君棹亂洪河水巾浮岱嶽雲佳期杳難際殘杏落

紛紛

訪田莘野不遇聞往遊吳杏

磊落田方子詩名滿大東行藏杳何處消息向家  
童海岱襟期濶江湖劍氣雄吳門花正好浩蕩信  
春風

李屋山別墅二首時僕為不速之客

聞有濠梁興言從惠子車金鞭衝海日白馬訊山  
居談咲即知已韶華豈待余何能效杜甫倚杖獨  
躊躇

宅近大堤古田連上苑斜興豪歌白雪酒滿泛青  
霞負鍾斫新笋披雲折野花斜陽促歸騎回首榻

沉沙

歸自屋山別墅值雨宿西亭第得居字

雨後習池駕雲迷貝茨車主人下陳榻邀我坐僊  
居堂寂客歌迴花冥春酌初乘龍尚有約數問夜  
何如

訪栗漳川

負笈從仙仗披雲到草廬支離仲寔賦搖落屈原  
居談詩海日白對酒暮尊虛不盡東兵興多情欲  
賣書



暮年再過故園諸舊遊集饒孫懋學新居  
遊子戀鄉邑重來感慨多青春半徂謝玄髮欲婆  
娑冠蓋聞新第笙鏞識舊歌高譚無限思月落奈  
愁何

送王閣山赴均州別駕

迢遞麋城道看君白髮新孤猿楚山夜芳草漢江  
春去國懷

明主憐才憶故人呂虔如有贈時拂寶刀塵

董翁雙挽

黃綺烟霞思班曹文史才劍塵他日暗機彩暮年  
摧落月悲蒿里秋風颯夜臺雙鸞今不返簫吹有  
餘哀

挽李公

黃鶴西飛去池臺只海濱空傳紫芝曲不見白綸  
巾函谷仙踪杳潯陽浪跡真春風不愁思猶到兩  
河津

挽臨淄韓翁其子伯羣為邑諸生

韓衆登仙去雙旌駕白鸞氣浮函谷暗潮落海門

寒夜月閑芝檢春雲散玉壇截舟定何處溜水正漫漫

新鑿通澤渠成同吳學憲諸君泛舟二首

傳道東溪惡波從震澤還黃雲盡沙岸白浪濺青山鄭谷開涇野龍門次石關栢臺繼雄畧疏鑿控民艱

岸轉雙村逼渠開一水幽溪山合有待惠澤及春流繡豸臨鷗渡仙鳧逐鷁舟更憐漢使者同此泛槎遊

再作嘲徐少初地主不與

共作三江客猶懸一水思為憐秋色去預就菊花期烏向飛雲合琴隨流水移空勞懸榻待孺子暮何之

南園詩為湯處士作孝廉鄭之父

汨沒南州士開廬震澤邊酒非元亮圃詩有惠休篇問俗慚余晚知名賴子賢猶看少微氣耿耿近新年

挽俞貞母

無錫同年憲之母



燕北魂旌慘荆南婺彩沈猶聞斷雙杼不復泣孤  
琴霄漢崇殊節冠裳述素心慧山歸葬處寒栢翠  
森森

挽楮明府 宜興人為邑令

共君未相識尺素是平生魯國猶絃誦吳門已締  
旌琴聲隨水咽劒氣逐星明惟見王喬舄雙飛入  
太清

春夕宴坐周允伯園亭余舊讀書處

十載談玄地三秋雲樹思綢繆此何夕搖落憶前

期密樹侵書牕繁星照酒卮高談忽分夜猶似下  
帷時

潞河中秋同謝茂秦言別得人字

停驂逢令節山館桂花新海上初圓月天涯欲別  
人同遊似梁苑並作有徐陳後夜空相憶清光詎  
滿輪

出渝關逢雲中徵兵使人作

聞道雲中將先秋戒鐵衣虎符千里至龍騎五營  
歸夜月明雕戟山風曳畫旂誰憐瀚海外襍虜駐

金微

送皇甫濂謫郢中

相知不對面相望憶何窮  
比海樽虛待東吳書未  
通地分千里月江轉一帆風  
更憶陽春調孤琴入  
郢中

贈戴生

賢哉戴次仲志行比璠璣  
燕頤堪投筆龍樓且曳  
裾每從梁苑客同聽夏侯書  
盛典千年事儒冠媿  
不如

留別劉方山

靈運游臨海幽襟洽薜蘿  
尋山無遠近握手有羊  
何寶篋新詩滿金罇別思多  
雲邊有歸鴈霜月共  
離歌

席上題贈梅泉蕙致別懷

筆館擅清幽瑤花帶碧流  
影隨迴澗合香逐澹波  
浮秀色兮玄圃仙源接御溝  
預懷東閣上別夢滿  
江洲

秦中條席上對雪呈座中諸君子





原件短缺

曙色通遙頰瑤花散遠天清光下虛閣寒意逐離  
筵玉醴清霞灑朱絲白雪傳山公愛清爽醉倒接  
離旋

春夜餞燕留別諸生

一年披講幄此夕餞文園漏共離觴促星兼別思  
繁文翁慚化理單父足璵璠不盡并州意山城聞  
夜猿

送蘇舜澤大叅赴召廷尉二首代作

蘇頲歸上國芸閣舊垂名萬里傳飛詔千山擁去

旌漢宮收杞梓晉水憶干城望望清塵絕還聞征  
馬鳴

窮寇金華省峻增驄馬臺風雲聯

帝籍藩翰識君才宣室徵書下汾江裨帳開寄言

于定國民散已堪哀

春日侍燕 高唐 齊東二王即韻應教二

首

禁蘂鶯花滿王門別有春慙非北海彥幸奉後車  
塵鳳閣霑王醴龍顏識帝親馮驩感知遇彈鋏醉



歌頻

昔聽桂山調今看蘭坂華春雲間珠圃初日照彤  
霞改服遊西苑移罇對晚花應劉今日賞不是魏  
王家

戊申春日孟觀察見訪村居即席分韻二首

背郭挑花岸春風楊柳原青山對杯酒流水到柴  
門孑孑溪中釣依依醉裏言誰令習池上風景至  
今存

一丘開近郭春日賦閑居報道專城駕言尋錦水

廬溪花能勸客野老旋供魚即是山陰興薰蘭擬  
袞除

乙巳清明日與孟豫川同年對酌

憶昔看花日長安萬柳春今朝青海畔猶似曲江  
濱有客孟公醉無魚馮子貧佳辰感傾蓋雲月夜  
談親

香山寺次韻

香界盤空磴松蘿一逕幽何須問葱嶺此地即丹  
丘檻是諸天隔泉將德水流山花襍衽樹隨意滿

芳洲

再遊義興過顧山別業追述

我作國山令君歸陽羨田時披蔣生迳得叩子雲  
玄俛仰非新館登依即舊筵不堪懷往事臨樂倍  
潜然

宿隆福寺同內兄熊新甫作

高扉動曙色客夢返琅邪梵外一連雨秋深雙樹  
花浮世今談象空緣且飯麻靈源如可即直欲泛  
僊槎

送周子壯還

陽雁孤飛翼飄飄雲外翔三秋辭北漠千里度南  
湘上苑春初滿衡陽翻正長懷息向  
明主惆悵忽分行

家兄省母南遊道于京口周陪探歷再至甘  
露寺次唐孫魴之作

鷺駐香為界龍分鼎作形江洄三面白山帶四圍  
青晴日曛花塢秋風急鴈汀所欣菜子服千里慰  
親連



壬寅春余與葉以明登甘露寺留題已酉仲  
秋言尋舊遊而葉已長逝俛仰悲慨重賦斯  
章

林隱南朝寺江橫壯顧關烽煙餘百雉襟帶即三  
山感逝歌仍激重來身更閑高陽非舊侶惻愴不  
能還

五月七日再集沈參軍宅得臺字

甲館連星聚中尊候月開雕龍成勝集結駟有重  
來人疑右衛率地即建章臺江漢吾將別無妨曉

漏催

九日再集孫文揆比部宅得觴字

共對北堂月再舉西園觴華軒屏氛靄珍簟生夜  
涼振筆落雲藻興文燦芝芳寄言孫廷尉稽山安  
可忘

十一日謝山人沈參軍孫吳二比部備會敬

館分韻得雲字

支離長作客十載咲離群暫以蓬蒿質來參蘭桂  
芬裁詩看月轉把酒度宵分莫待江東去空懷日

暮雲

將發秦中奉別三省諸僚長六首

長安佳麗地冠冕盛遨遊拙疾慙無補親仁願已  
酬高名三府重美政二南留幸托瑤華側飛蓬颯  
已秋

祖帳青門外秋風落葉初歸心先海燕別信眇江  
魚吾豈耽榮進君應念索居擁旌他日事一問病  
相思如

河梁一携手官柳萬行垂為惜離群地翻悲送客

時驪歌未終曲別酒正盈卮含睇登車去輕塵望  
已移

使君坐分陝康濟有餘資賓從娛清燕琴樽愜素  
期松風曲裏度蘿月醉中移庾亮荊州興千年宛  
在茲

西臺何及業綱紀盡鴻儒繕俗周三禮興文漢兩  
都春風曲臺詠秋月輞川圖可憶陪遊日南飛一  
鴈孤

漢皇數飛將劉敬最能文不復煩西顧都緣定北



軍九重干羽格四海譯鞬聞談咲看帷幄空嗟絳  
灌羣

馮光祿詩集卷之四

北海馮惟訥著

姪孫琦

孫珣校緝

五言律詩

丁未二月朔至張子書屋時方有仰泉之約  
用家兄韻漫詩二首

共有芳春興言尋仲蔚廬白雲當逕合青草入簾  
踈尚識慈明賦真慚大令書何時謝塵鞅來就北

山居

名泉有佳興况屬上春時共就風雲服先成袂襖  
詩十載勞塵夢三山有夙期良辰明日是莫待蕙  
光遲

新樂端惠王挽歌三首

聖祖雲龍裔天王棣萼親剪桐曾食邑撤瑟遽茲  
辰灑淚連岡暮傷心宿草春楚宮今聞寐醴酒竟  
誰陳

北關哀章下東園秘器歸賢王一徂謝泉路有光

輝玉柙長留影金鳧遂不飛今朝承睫淚詎假雍  
門揮

眇然魚山下千年子建宮雲霞開洞府旌蓋儼高  
松禮數光前典悲涼動國風君看滕去子歡感萬  
人同

慈仁寺送陳玉泉僉憲之蜀

禋苑聽鳴禽悽然驚別心十年三攬轡兩地一披  
襟水遶巴山遠雲連楚塞深不須嗟九折芸閣佇  
陳琳



訪松庵禪師不遇

瓦官南郭寺十載廢追尋適此謝塵鞅回之謁道  
林天衣花共色仙梵鳥同音卓錫知何地空懸不  
住心

玉泉為家兄檢訂遺文賦此謝之

昔日大馮君親承蘭蕙芬褐衣方抱玉桂殿已脩  
文誰薦長揚賦空餘宿草墳茂陵有遺稿悽惻待  
楊雲

肅藩侍讌應 教次受堂柱史韻

天王敦化理棣萼盡仁賢壽愷崇蘭殿冠裳集醴  
筵文成七襄轉樂奏九宮旋何必南皮賞應劉浪  
得專

賀 千秋節次韻

瑠弧傳玉記瑞靄協瑤宮兔魄三秋滿龍光四座  
同碧旌翻舞鶴寶瑟泛歌童擬效封人祝南山有  
桂叢

同東原東洲二觀察葛村叅知洮郡東巖讌

集二首

尊俎三秋月烽烟萬里身忽聞歌窮窳邴復嘆沈  
淪雲樹遙山暝霜花絕塞春不須辭酌酌回首各  
風塵

遠樹何蒼蒼連山帶夕陽排雲敞高宴列坐引紅  
粧妙舞雙迴雪清歌竟繞梁非闕曲復誤持此豔  
周郎

已未季秋再集

憶醉黃花酒重登綠野堂三年頻問訊再拜喜康  
強衰髮殊蓬短高談別日長鳳毛欣有托千仞佇

飛翔

水亭夜集

背郭秋堂靜重遊席屢移踈河通水檻高柳暗山  
隄玉柱寒逾澁霓裳晚更宜歡言不知醉月露滿  
前墀

大石以吳刻樂府見贈書此奉荅

新圖合歡扇彩色重蘭芬不謝秦王女乘鸞向紫  
雲纖腰無一尺錦字有雙文會待春風至緘情以

奉君



春日陪孟東洲憲使公重過宋氏園亭二首  
竹色青於染春生宋玉家衆山當戶出一水抱城  
斜積雨翻高柳輕寒勒早花風光正如此莫惜醉  
流霞

自惜追歡地重遊半已非人將蓬共遠身與世多  
違竹密雲來合花深月露微臨歧重回首余亦返  
初衣

遊麥積山瑞應寺四首

山川雄且都法界盛規模隴蜀屯靈氣軋坤闢壯  
圖天垂雲幄近月照相輪孤想像曇花現西來啓  
覺途

䟽山開淨土鏤玉寫金僊翠靄連三積空香隱四  
禪蓮宮長曜日桂棟欲浮天不入沉灰劫靈光獨  
矚然

鷲嶺橫西極祇園復在茲孤標拔地起萬象入雲  
危月殿金枝秀霜林錦樹披經過未辭數獲鶴又  
相期

千載庾開府傳聞此勒銘金函瀹寶氣玉宇秘圖

經日月迴三殿雲霞衛百靈空嗟浮世改搔首別  
山庭

曉發來積越嶺尋崇果寺舊址傍有杜公廢  
祠四山迴合風氣致佳命僧湊田復之賦此

紀事二首

故苑餘靈氣寒風蔓草深盤龍標四嶽哮虎護雙  
林暎日開微霰披榛越細岑今朝草堂地還與贊  
公尋

山田盡為居民耕治獨寺址榛莽弗闢詢之

人云靈異所種徃曾有人芟除虎輒據地咆  
哮或得他青以故獨完

桐蘿出東谷杖策度西枝地志云東柯谷有西枝  
村幽討自今日沾危異昔時風雲傳秀句丘壑緬  
遺姿陶謝非余及空嗟後爾期

別麥積走筆賦此

乾坤真勝槩車馬數經過本自無拘礙其如嬰世  
羅齋心共山月客夢到藤蘿明發空回首寒雲擁  
翠螺



贈郭似菴開府時謫居靖虜

高張無緩調亮節耿難同雲漢一推翻天涯遂轉  
蓬荒城胡壘外候火戍樓中四海今多事方聞起  
令公

奉謝元峰王殿下賜教

棣萼皇情薦珪璋國祚延剪桐即茲日剖竹  
憶當年禮樂隆千葉聲華動八埏慙無韋孟賦濫  
吹楚王筵

懷憶山陰熙順先生

昔別淮王殿龍旂五校屯承家欣玉樹曳履憶金  
門淚逐青笳墮心將羽蓋翻懸知毀壁處獨有尚  
書存

發涑水後寄別家兄六首并序

壬戌仲夏家兄海浮解褐補涑水令時余  
祇役浙江過邑相存淹留積日乃獲晤兄  
送余白河之南感憶此別賦此寄呈

平生矜意氣歛唾以千金白雪時難和青山歲屢  
陰一官聊自託遠別更堪任易水悲歌歇空嗟壯

士心

同生有離別  
惆恍意如何  
客路雲山近  
歸心鴻雁過  
芳華落關塞  
黑綬換魚蓑  
莫遣音徽歇  
吾將問  
薜蘿

當年四方志  
豁達易前期  
此別關垂老  
傷心異昔時  
流雲度征蓋  
落日照寒帷  
緬邈情何極  
西陵路  
已歧

灞水臨京縣  
飛甍望若雲  
家仍三輔令  
名豈二馮君  
耿介違時譽  
清貞出世氛  
芳徽庶未緬  
願一繼

前聞

吾兄秉奇調  
倜儻寄文雄  
賦擬三都重  
歌從九辨工  
篇章連海岱  
謠俗盛兒童  
誰息綿駒響  
泱泱大  
國風

憶當三五日  
出入奉連枝  
白璧誰知己  
青雲共後時  
淒涼餘舊業  
汗漫託前期  
豈必徇微祿  
承家有  
素絲

王殿讌別觀雲樹懸思卷

二載曳鄒履  
一朝辭楚宮  
琴樽懷渭北  
雲樹杳江



東忽漫乘飛鶴回之嘆轉蓬開春輿浦月還共魏  
王同

乙巳之春余自河中遷官道出介山得識溫  
處士竹亭題贈一首

十年聞大雅此日對庭筠白雪三湘調幽篁一徑  
春金尊千里夢玉記百年身相見還相別畱詩一  
憶神

絳守胡順川燕席作

旅客乘春至芳筵入夜開十年淄水別萬里隴山

來賦政余真忝為邦爾獨才天涯更離席玉漏莫  
相催

別莫中江年丈有引

中江先生以道德文章推重榜中其等投  
分最深自戊申別于京師先生尋以貴陽  
學憲

請告歸吳松者十有八年乙丑歲召起遭逢

聖明再遷西京廉訪使某適承乏于茲獲奉儀刑

竊窺先生詣蘊益宏遠矣未幾拜越中右

使以行其衰疾倦遊良晤難異年來久廢  
吟咏於先生之別隱閔悲甚聊為短句以  
見志耳

相逢嗟白首相送復青門十載慈親戀三遷

明主恩平生易分手此別重銷魂為問桐鄉縣棠  
陰幾樹存先大夫嘗令華亭故云

贈胡菊隱

花開甘谷裏秋日見孤妍達者分靈種餐之得永  
年傍籬時自摘浮醖益堪憐同調惟陶令相看霜

靈邊

癸卯九日歸自省闈卧病太原紀懷一首

客路獨遲迴愁心暗不開鵲聲欺靜發詩思妬閒  
來旅館黃花寐鄉心白雁哀更懷鳴鳳侶何處共  
登臺

為張文學雜詠二首

妾有雙銅鏡婣娟應合歡金繩一委絕玳匣空圓  
纈不照雲臺鹿長悲罽國鸞顛目元夜賞流盼入  
長安



鏡逐豪華去，臺從絕漠還。  
蟠桃君不見，舞鳳妾空憐。  
懸照無千里，遺名有萬年。  
惟將三五夜，明月暫同圓。

追挽河東禧王次方山韻二首

矯矯軒皇後，名王業重恢。  
起家為上將，列爵冠中台。  
一代金滕在，千年玉匣開。  
空慙守樊吏，灑淚北印萊。

耿介周謀父，勲名漢霍光。  
危言時拂袂，殊績竟勤王。  
玉壘何堪折，玉孫盡斷腸。  
雙旌重葬處，悽愴舊

封壤

送李廣文之寶應

五十不得意，一官能白頭。  
青氊鄭虔隱，薄祿邢丹遊。  
江上蘆花晚，淮南桂樹幽。  
吾將理征棹，共及射陽秋。

華髮始一命，懷珍千里行人歡。  
李膺御君託，鄭虔名月射珠波。  
迥霜含桂澗，清秋風到官舍。  
應慰薄遊情。

林來如血露含林斷散終風徑宜合甄揚  
凝故一命劉徐千里林入博李顛嶽岳岳嶽

越武上意於鄉學南林樹幽吾林里山幹共及根

六十不辭意一官繪白頭青藍漢美知戰蘇洞丹

卷之四







